

彭城  
劉氏  
氏族  
譜

彭城刘氏宗谱

彭城劉氏族譜



彭城劉氏宗譜新序

木有本水有源人有祖爲人孫  
子者可不追溯本源而揆厥我  
祖之所由來哉夷考劉氏系出  
陶唐氏堯帝次男監明生子左  
手有劉累二字之紋後累封累  
侯食菜于劉而劉姓肇基于於  
此固有明徵豈若他族之謬爲  
攀附而轉失真正之本源哉厥  
後襲侯襲爵豐功偉烈代不乏

人遞傳至秦清居公徙居豐沛  
生子因名爲豐七生熾七生四  
子曰伯曰仲曰邦曰交三子邦  
公身爲亭長以布衣起兵破秦  
滅楚而成帝業長子伯公以邦  
公長子入繼是爲肥公肥公次  
子章公初封朱虛侯後封徐州  
彭城陽王因而郡焉延及臯公  
封杜原侯時有秀公滅莽中興  
而有天下則劉氏之派衍於天

潢劉氏之譜名爲玉牒固彰明較著者也歷傳汴宋賜公由江右入閩卜居劍南置買田房暫爲棲息爲吾閩劉姓之始祖越五世璋公移隱嶺後鎮田堡生子五曰潮曰桃曰銅曰琳曰鑾子七孫七繩七繼七子姓之蕃昌甲于一邑更有遷徙異地者指不勝屈且其間嘉言懿行政治文章紀於史冊者炫燿人寰

今劉君盡己閱舊宗譜間有由璋

公以上如九信公世系之脫落

由璋公以下如孫子世次之後

先知前次之修脈絡紛繁無暇

細訪將見遞傳遞降愈遠愈疎

誠恐後之人以訛傳訛優待前

人信以爲是爰是向族之能者

益溪聘三與百川諸叔姪輩就而正

焉謀爲修之將殘篇斷簡翻然

一新譜成問序於余余曰善哉



劉氏子真正共和國民可謂知  
務者也際此時代能溯本源篤  
宗族昭雍穆以家族主義爲前  
提以社會主義爲後盾他日世  
界大同化家族爲公族其基礎  
亦未始不在是也觀其舊譜咸  
宗累公爲肇姓之祖以賜公爲  
入閩之祖璋公爲分支之祖然  
是譜獨載璋公之子而未及璋  
公之孫者何哉蓋以子孫之蕃


衍散處各地採訪難週故以璋  
公五子分爲五房各宗其宗各  
祖其祖庶幾頭目分清脈絡自  
貫使人人皆如劉氏子之能尊  
其祖尊祖故敬宗敬宗故收族  
一本分爲萬殊萬殊歸于一本  
况乎國之本在家治家治國豈  
有二道哉故是譜之作其關係  
亦非輕也今因其請故大其問  
而弁以言

中華民國七年歲次戊午花朝

穀旦

蔭南林永棠拜撰





舊序

昔周公謂魯公四訓宗聖由是而及追遠歟朱子註釋人知其爲厚德之至惟我始祖

賜公原由鉛山遷居閩劍以及於今代遠年湮宗親之散處永邑者百有餘地萬有餘家而於叔姪漠然不知誰叔姪者亦素也今值興山堂重新於祭祀之時見如不見欲問其詳有不勝問者矣試思君子不弛其親及民德歸厚大義四顧低回衷如焚刺孰不愍族譜之闕文耶竊以我祖忠厚開基以來而後裔焉敢不由支派而溯本源哉均憚由支派而明本源不易由本源而詳支派良難此固先進之過而亦難諉非予儕之過也觀過敢不奮然於譜爲意乎適予兄大邵得族譜於江西遣洛與姪岐閱之予二人者猶然曰此譜一出而吾族世系得其自矣岐姪脫然曰邵叔有心於譜也吾儕可觀望哉予曰譜固至要而亦至大要難要於精詳大難大於通統岐對曰譜向未纂而何通焉若欲通之不亦負邵叔於譜之意乎予以是告兄曰岐言是也欲統通諸譜族其終

于無譜乎曰姑纂之予兄邵于是集諸鄉叔侄而商之僉曰  
 雖不能通而譜系不失其玷瑜之瑕礙不得通者何必然譜  
 系一出俾後有本有源舍其祖而認人之祖者啟發其良貴  
 而正新焉未可論也而董事等遂決纂族譜茲開刷之際聚  
 商譜序將斯言僉命錄於端凡叔姪之覽是序當勿嘲而興  
 追遠之志通譜焉可也嗚呼厚望之公姓公族無禁振振

大清光緒四年歲次戊寅中伏五日公叙

彭城劉氏重新宗譜董事嗣孫 大樑

大部

純武

紹棠

長松

大洛

宗玉

家岐

登青

劉氏重修家乘序

夫國家必有所自立周公之立國所以與太公異者惟命子  
四訓揭於魯論而朱子贊其爲君子之事忠厚之至天下後  
世悠然有餘恩矣竊憶我

始祖漢瑞翁由玉山遷鉛山姑無論其所以立家而鄉人翁稱  
爲長者自宋迄今數百載遠近猶津津嚮慕非至德深造何  
以令聞火垂且古今品稱不一鮮以長者稱循其所謂長而  
求之喬木當爲積壤之植德其厚矣乎循其所謂厚而求之  
實苞宜有嘉種之函德其仁矣乎然則周公君子之厚亦仁  
厚而已

劉公長者之長厚寧外周公仁厚乎哉然而周公之厚本乎公  
劉之篤周公之仁本乎邠人所稱仁人也以篤詔仁以仁累  
仁綿延周南詠麟趾麟定麟角無非厚道篤祐相傳以來一  
仁意焉乃若

長者家學懷仁未已也訪學豫章夫豈雜於功利而師紫陽又  
必以友輔仁試反覆追思何其超房杜門第直欲濬洙泗淵

源卽稱爲豫章理學一鼻祖可也夫學爲官而修官品於朝  
易學爲人而完人品於鄉難學爲高人而爲一鄉之驚易學  
爲仁人而享一鄉永譽難可逞而不呈能爲而不爲若苟忍  
以成其不忍又若有不忍以成其不敢也者不惟不敢得罪  
於天命大人併不敢得罪於愚賤寡弱與夫一草一本此其  
仁固得自學問而始自孝悌蓋孝悌發乎心之肫懇此而肫  
懇何非肫懇所達而不然者施於懿親且忍且敢孰不可忍  
可敢昔先王設庠序以明倫造士今

聖王勅宗師以孝悌繩士均於化原注意哉吾宗素有宗法統  
司于大宗分司于小宗亦惟期敦本達末似可不煩功令邇  
來未免有玷瑜之瑕者士之殘薄先之其故由於孝悌之道  
孳微孝悌之教亦孳衰朱子論治道必先振綱紀以厲風俗  
至論綱紀之振則以痛懲軟羨力矯依阿崇尚名節激發廉  
耻爲首務而其本在人主正其心術此主天下綱紀大法程  
而主一家綱紀者卽師其意行之可也抑豈外孔子舉教論  
民勸乎舉則寬舉升堂不必入室教則寬教追往不必逆來



或有沉痾難回仍就舉寓教舉一厲百蕪文忠謂化惡莫若  
進善此微權也是在大宗識力主持小宗實心匡扶倘舍本  
取末或樹私枉公善不必舉舉不必善不能不必教教不必  
能蓋患族之長幼尊卑奚爲以宗法顛屬之我是又在大宗  
小宗正已率物顧名覈實而後可或問舉教修譜登傳何以  
速勸余曰萃渙之所大書兩庶觀者有不興乎果碩德宏材  
公請於  
有司額旌以待

朝廷里選可也或問教奚先余曰三代之盛因乎禮之大成而  
其衰由於禮之漸廢夫禮以束外而動中如晨昏不廢定省  
人子靡有不親親者至於臣子或隕越於君父每緇覬覦之  
莫禁易曰利物足以和義苟惟利已雖兄臂可紆矣甚哉教  
莫先於崇禮與去利然非余臆說也揆諸

長者志曰從禮行曰輕財其立家遠猷奚啻布粟與藥石尋竊  
取質諸父老莫不唯唯乃弁簡端以告有譜牒之任者毋徒  
錄名鐫字擬歐比蘇凡待教子姓務令恪遵